

# PEMERKASAAN STRATEGI INTERVENSI PENCEGAHAN DADAH BERASASKAN TANGGUNGJAWAB SOSIAL KOMUNITI

## RINGKASAN EKSEKUTIF



Kajian ini bertujuan memperkasa strategi intervensi dan pencegahan dadah bagi generasi muda berasaskan tanggungjawab sosial komuniti multisektor. Cadangan kepada strategi intervensi pencegahan dibuat berasaskan penemuan tentang: i) ekosistem sosial generasi muda, ii) tahap pengetahuan dan sikap generasi muda terhadap bahaya dadah, hukuman dan perundangan dadah di Malaysia, iii) pengalaman penglibatan generasi muda dengan kegiatan penyalahgunaan dadah, iv) impak program pendidikan pencegahan dadah menerusi kempen kesedaran di media dan v) pandangan generasi muda terhadap program pendidikan pencegahan dadah yang telah dilaksanakan di institusi pengajian termasuklah sekolah (SHIELDS) dan institusi pengajian tinggi (Tomorrow's Leader-TL). Responden terbahagi kepada i) pelajar sekolah menengah yang menyertai Program SHIELDS (N=420), ii) pelajar IPT menyertai Program TL (N=490) dan iii) klien CCRC dan C&C (N = 423 Analisis ekosistem sosial responden yang terlibat dengan kajian menggambarkan bahawa majoriti mereka mempunyai ekosistem sosial keluarga dan sekolah yang baik. Walau bagaimanapun, terdapat responden yang mempunyai ahli keluarga iaitu abang, bapa saudara atau sepupu terlibat dalam penagihan dadah. Majoriti responden juga mempunyai ekosistem sosial rakan serta komuniti yang sederhana dan kurang memuaskan untuk membantu melindungi mereka menangani cabaran hidup termasuk terdedah dengan bahaya dadah.

Hasil analisis menunjukkan peserta SHIELDS, TL dan klien CCRC/C&C secara keseluruhannya mempunyai pengetahuan yang baik tentang bahaya dadah dan hukuman perundangan berkaitan dadah. Namun kajian mengenalpasti kecenderungan untuk ketiga-tiga kumpulan ini bersetuju dengan penggunaan dadah bagi tujuan belajar dan juga bersetuju bahawa penggunaan dadah dalam kuantiti kecil adalah tidak berbahaya. Responden juga didapati bersetuju bahawa mereka tidak boleh dikenakan hukuman sekiranya mengguna dadah dalam kuantiti kecil. Kecenderungan menerima atau bertoleransi dengan pengambilan dadah yang sedikit dalam kalangan generasi muda seperti ini perlu diberi perhatian oleh Bahagian Pendidikan Pencegahan AADK pada setiap program pencegahan di institusi pendidikan.

Berdasarkan aspek pengalaman penyalahgunaan dadah dalam kalangan klien CCRC/C&C, responden mengakui bahawa mereka berpengalaman i) menyalahguna dadah di sekolah, iii) mempunyai kontak langsung dengan pengedar dadah dan iv) menjadi pengedar serta merekrut pengedar muda dalam kalangan rakan-rakan sendiri.

Analisa ke atas kempen media bagi program pendidikan pencegahan dadah menunjukkan bahawa i) waktu siaran kempen kurang bersesuaian dengan responden, ii) kepekaan responden tentang kandungan kempen adalah sederhana dan iii) pilihan ikon bagi kempen media adalah pelbagai dan didapati lebih menjurus kepada individu yang hampir dengan ekosistem sosial mereka. Secara keseluruhannya peserta SHIELDS dan TL bersetuju bahawa program pendidikan pencegahan dadah yang dilaksanakan adalah berkesan. Walau bagaimanapun pihak AADK perlu memberi perhatian kepada dapatan berikut : i) peserta SHIELDS merasakan penglibatan ibu bapa atau waris dalam program adalah tidak perlu, ii) peserta TL beranggapan pelajar tidak boleh dikenakan tindakan dan hukuman dibuang daripada IPT sekiranya positif ujian urin dan iii) kakitangan yang mengendalikan program TL dianggap kurang kompeten.

## CADANGAN PEMERKASAAN INTERVENSI



### AHLI PENYELIDIK

**Prof. Datuk Dr. Roziah Omar (Ketua)**

Dr. Ezarina Zakaria,  
 Prof. Madya Datin Dr. Fauziah Ibrahim,  
 Prof. Madya Datin Dr. Hasmah Zainuddin,  
 Dr. Abdul Razak Abd. Manaf,  
 Dr. Zakiyah Jamaluddin

Kluster Pembangunan Sosial dan Kesejahteraan,  
 Majlis Profesor Negara  
 Tel: +603-88706401 Faks: +603-88706842  
 Email: roziah.omar@moe.gov.my

### MAKLUMAT AGENSI

**Ketua Pengarah**

Agensi Antidadah Kebangsaan Malaysia  
 Kementerian Dalam Negeri  
 Jalan Maktab Perguruan Islam  
 43000 Kajang, Malaysia

Tel: +603-89112200  
 Faks: +060-89262055  
 www.adk.gov.my